



Universitätsbibliothek Paderborn

R. P. D. Ioannis Ivsti Lanspergii, Natione Bavari, Illvminati Ac Religiosissimi viri, Carthusiae Coloniensis ante annos centum Vicarii, & Magistri Nouitiorum laudatissimi Opera

In Qvinque Tomos Distributa, à mendis expurgata, veteri integritati
restituta, & indicibus locupletata

In Passionem D.N. Iesv Christi Homeliae quinquaginta sex, Theoremata
viginti octo, totidemque sermones. In Monotesseron Praeterea Eivsdem
Passionis Dominicae, iuxta Euangelistarum & historiae fidem, Elucidatio.
Conciones ad Haec Paraeneticae in praecipuis anni & Sanctorum
festiuitatibus habitae

Landsberg, Johannes Justus

Coloniae Agrippinae, Anno M.DC.XXVIII

Corpus Christi quonam pacto mysticè deponatur de cruce, sindonique
inuoluatur.

[urn:nbn:de:hbz:466:1-47113](https://nbn-resolving.org/urn:nbn:de:hbz:466:1-47113)

maiori torquebatur dolore. Sunt qui tradunt post hominum recessum, ad sepulturam Iesu dum soli iam adessent amici, bonam rediisse Apostolorum partem, atque de sua fuga & pusillanimitate sese accusasse. Ibi enim tot fusa sunt lachrymæ super reuerendissimo Christi corpore mortuo, ut nihil mirum fuerit, si lachrymarum imbribus ablui potuissent vulnera plagæque eiusdem cruentata.

Corpus Christi quonam pacto mysticè deponatur de cruce, sindoniq; inuoluatur.

Videmus Ioseph deuotionem, qui Pilatum accedens, pro magno atque mirum in modum sibi precioso munere, petiuit donari corpus Christi. Disce quanto tu desiderio trahi debeas ad Christum, quanto studio ad illum te parare de altari suscipiendum, tanquam de cruce, ubi pro te est oblatus Christus. Neque tamen quomodo Ioseph mortuum, sed uiuum uerumque Dei filium suscipis: sed nec inter brachia tantum, uerum etiam in cubum & animæ refectioem ipsum manducando intra te recipis. Cura igitur ut ipse sit in te desiderium, deuotio, æstimatioque, ne uile aut exiguum quid te putes accipere. Cura, ut illi puræ conscientiæ, munditiæq; cordis sindonem emas. Emas inquam lachrymis, si penes te illum non inuenieris. Nihil in te impurum, nihil obliquum inueniatur: omnis peccandi uoluntas absit, absit quoque erga omnem proximum displicentia & rancor, ut munda Christi corpus reponas sindone. Iterum hic discitur, quomodo supra dictum est, ne hominum impiorum atque derisorum importunitatibus, suasionibus uè debeamus de cruce pœnitentiæ descendere, sed laborem rigoremque disciplinæ, & mortificationes ueteris sustinere hominis, donec aut post mortem naturalem soluti, aut post spiritualem, puta ex toto mortificati & languidi, aliorum iudicio & manibus deponamur ad statum laxioris uitæ, quo refocillandi, non ad uoluptuosa simus reducendi. Tertio discite, quemadmodum Christum is qui peccat & in peccatis suis perseverat, denuo ac toties crucifigit, ita qui se pœnitendo corrigit, Christum de cruce absoluit. Miserere igitur saltem Christi in cruce pendentis, quem tu malè uiuendo suscipisti, cui peccando vulnera pœnasque infligis. Dole de peccatis tuis, atque in statum innocentiae te ipsum per eius adiutorium, quod tibi semper offertur paratum, reducito, ut & Christo requiem, cui hactenus laborem fecisti, reddas. Quarto, si pœnitere uolueris, Christumq; (ut dixi) de cruce deponere, fac illud ardenti corde atque deuoto. Accipe Iesum inter brachia, pectoriq; tuo astringe quasi captiuum. Tunc enim ubi sic eum complexus fueris, facere quæcumque vis potes cum eo. Libenter se tibi captiuum tradit: libenter quæ petieris ab eo, tibi tribuit. Nunquam enim sic constrictus repugnabit pœnitenti, sed paratior est tibi ad largiendum, quam tu esse potes ad recipiendum.

Apostolorum bonam partem sepulture interfuisse.

Corpus Christi quanto desiderio suscipiendum.

Sindoni mundæ cuiusmodi corpus Christi spiritualiter inuoluendum sit.

Crucem pœnitentiæ non esse deserendam.

Christum quomodo quis spiritualiter crucifigat, aut de cruce absoluat.

Pœnitens quomodo Christum pectori suo astringat.